

शब्द आरु चित्र: विलियम डे व्हिक

यीशु मसीहा



यी
शु
म
सी
हा

सबभै सँ बोडो कहानी

WILLIAM DE WICK

की छेकै



स्वर्गदूत: परमेश्वर के एगो अदृश्य खबर पहुँचावै वाला (पन्ना 5)

आशीष: सबभै अच्छा बात जे परमेश्वर हमरा दै लें चाहे छै।

बाइबल: बाइबल मे आपने पढ़ै सकै छियै कि कैसे परमेश्वर के तरफ ध्यान दै छै आरु ओकरा से कैसेनो बरताव करै छै।

प्रभुभोज: यीशु के चेला यीशु के मृत्यू आरु पुनरुत्थान के याद रोटी आरु दाखरस लै कें करै छै। (पन्ना 41)

कूस: कष्ट दियै के एगो साधन जेकरा पर यीशु खुद के इच्छा से मारलो गेलै, यीशु के चेला के उ एगो चिन्हा बनी गेलै। (पन्ना 25,50)

शिष्य: यीशुके चेला (पन्ना 18)

ईस्टर: यीशु के पुनरुत्थान के परब मनाना। यहूदी यही दिन फसह के परब मनावै छै। (पन्ना 35 54)

अनन्त जीवन: यीशु के साथ जीवन जीना ई परमेश्वर के उद्देश छेकै, हुनी मृत्यू पर जीत प्राप्त करी के अनन्त जीवन छै। (पन्ना 23,29-30 आरु 59)

विश्वास: परमेश्वर पर भरोसा रखना आरु हुनका प्रतिज्ञा सिनी पर भरोसा रखना। (58)

क्षमाशिलता: परमेश्वर क्षमा करै छै, जब कि हमरा सिनी मे कोय भी हुनको योग्य नै परमेश्वर क्षमा करै छै जब आपने हुनको से पाप के लेली क्षमा मांगै छियै आरु खुद मे परिवर्तन करै छियै। क्षमाशिलता संभव छै कैहनेकि यीशु के बलीदान से हमरा सिनी हुनका योग्य करलो गेलौ छियै। (पन्ना 58)

परमेश्वर के राज्य: जैन्टा लोग परमेश्वर के आज्ञा के पालन करै छै वैन्टा परमेश्वर के राज्य छै।

पवित्र आत्मा: परमेश्वर के आत्मा जे लोग सिनी मे रहै छै जे यीशु के अनुयायी छै। (पन्ना 58)

यीशु: परमेश्वर के बेटा के नाम यानि परमेश्वर हमरो साथ।

मसीहा: अभिपिक्त राजा "मसीहा" (एक हिब्रु शब्द) जे कि ग्रीक भाषा मे छै यानि मसीहा। (पन्ना 52,55)

प्रार्थना: आपने के परमेश्वर के साथ धीरज से आरु बोडो आवाज मे बात करना। (पन्ना 18,19, 42)

पुनरुत्थान: यीशु मृत्यू मे से फेनु से जी उठले। एक दिन सबभै के मृत्यू मे से जिलैलो जैतै, तब परमेश्वर हरेक मनुष्य के न्याय करतै। (पन्ना 43,54)

फेनु से आना: जब यीशु पृथ्वी पर से अयतै, स्वर्ग आरु पृथ्वी नया होय जैतै। परमेश्वर के दुवारा सबभै कुच्छु नया होय जैतै। (पन्ना 56)

शैतान: जे अदृश्य स्वरुप मे छै उ परमेश्वर आरु मनुष्य के शत्रु छेकै।

पाप: उ बात जे हम्मं परमेश्वर के इच्छा के विरुद्ध करै छै आरु परमेश्वर के उद्देश्य जे हमरो लेली छै ओकरा से हमरा दुर राखै छै। (पन्ना 4)

परमेश्वर के बेटा: यीशु के नाम जे परमेश्वर के बेटा कहलैतै हुवै उ मनुष्य रुप मे संसार मे अयलै।





यीशु मसीहा के छै?

यीशु 2000 हजार साल पहलै इस्राएल मे रहलै। हम्मं ओकरा “यीशु मसीह” या ईसा मसीहा” कहै छै। यानि हुनी एक राजा, परमेश्वर के एक बेटा कहलावै छै। यानि परमेश्वर आरु “मनुष्य के बेटा” मनुष्य से अयलो छै। बाइबल मे यीशु के जीवन के इतिहास बतैलको छै। ई एगो महान कहानी छैकै

यीशु के समय

हमरो इतिहास यीशु के जनम से शुरु होय छै। तबें लोग सिनी सफर पैदल, गदहा पर ऊँट पर या घोड़ा पर करै छेलै। तबें रोमी साम्राज्य ई युरोप, मध्य पूरब आरु उत्तर आफ्रिका मे छेलै। बहुते लोग सिनी लिखना या पढ़ना नै जानै छेलै। इस्राएल मे के यहूदी सिनी कें “किताब मे लोग” कहलो गेलौ छै। परमेश्वर किताब मे से बात करै छै उ छै बाइबल।

उ सब्भै दिखै वाला बात सिनी के निर्माता छै आरु हमरा लोग सिनी से दोस्ती करना छै। ई यीशु हमरा सिनी के साफ देखैलको छै।





यीशु के समय मे इस्राएल

राजधानी: यरुशलेम

बड़का प्रांत: गलील, सामरिया, यहूदिया

विस्तार: लगभग 28000 किमी. (10810 मील)

मौसम: उष्ण कटिबंध

राजनैतिक: 63 वी सी शुरुआत से (मसीह से पहलै)
रोमी साम्राज्य के हुकुमत इस्राएल मे छै।

सरकार: मुख्य पिलातुस, रोमी राज्यपाल इस्राएल
मे राज्य, तिबेरियस, रोमी साम्राज्य

धर्म: यहूदी धर्म, यरुशलेम मे यहूदी सिनी के मंदिर
छै। वैन्टा यहूदी पूजारी सब्भै धार्मिक काम करै छै।
आरु (जैसे फरीसी) बाइबल मे से वें लोग सिनी के
सिखावै छै।

भाषा: हिब्रू (यहूदी सिनी के भाषा) ग्रीक
(आंतरराष्ट्रीय स्तर पर बोले जाय वाला भाषा)
लैटिन (रोमन भाषा)



ई सब्भे लोग नदी के किनारे कैहने जमा छै?



तोंय आपने आप के तैयार करै,
परमेश्वर के राज्य नजदिक
आबी गेलौ छै।

एक नया जीवन शुरु करै।



परमेश्वर के न्याय के कुल्हाड़ी गाछ के जड़ पर छै।



हरेक गाछ जे फल उत्पन्न नै करै छै, ओकरा काटी देलौ जातै।



हमरा सिनी के हुवै सकै छै कटी देलौ जाय। के बढ़िया जिन्दगी जीये लेली सक्षम छै?



एकदम सही! कोय भी परमेश्वर के न्याय से छूटे नै सकै छै। लेकिन हमरो पिछु सं कोय एक आबी रहलौ छै, जे तोरा मे परिवर्तन करै सकै छौ।

जदि सही मे तोरा तोरो जीवन मे परिवर्तन चाहियौ तँ तोंय आपनो पाप कें मानी लै आरु ई पानी मे बपतिस्मा लै।



आबँ तोंय आपनो पाप से शुध्द होय गेलौ छै। एक नया जीवन शुरु करै।

सबसे लोग ओकरा नदी मे बपतिस्मा
दियेवाला यूहन्ना कहै छेलै।

हम्मै योग्य नै छियै। हम्मै
ओकरो लेली रस्ता तैयार
करी रहलो छियै। जे हमरा
बतैते कि परमेश्वर के छेकै।
हुनी तोरा परमेश्वर के
आत्मा आरु आगिन से
बपतिस्मा देतौ, हुनी तोरा
मे परिवर्तन आनतौ।



आरु तबे



हमरा आपने के हाथ
से बपतिस्मा लिये
के जरूरत छै।



हम्मै वही करबै जे
परमेश्वर के इच्छा
छै उ आबै करै।




परमेश्वर आपने के
राज्य आबै आरु आपने
के इच्छा पूरा हुवै।



तबे स्वर्ग सँ एगो आवाज अयलै।

तौंय हमरो बेटा छेकै।
हम्मै तोरा से प्रेम करै
छियौ। आरु तोरा पर
हम्मै प्रसन्न छियौ।



हमरो उ कालखंड मे सुरुवात से युहन्ना बपतिस्मा दिये वाला इस्राएली लोग सिनी के मसीहा अयतै कही के उन ओकरा सिनी के तैयार करै छेलै। उ समय इस्राएली ई रोमी साम्राज्य के एगो छोटका भाग छेलै,



इस्राएल मे के यहूदी अकल्ला लाचार आरु दबलो खिन्न महसूस करै छेलै। उ सिनी तबे मसीहा कहिया अयतै एकरो आश देखै छेलै। हुनी हमरा सिनी के छोड़तै एसने पहले ही पुरना यहूदी लोग सिनी के किताब मे भविष्यवाणी करलौ गेलौ छेलै। ई मसीहा परमेश्वर के न्याय के विजय दिलैते।

यरदन नदी लिगां, यूहन्ना बपतिसमा दियैवाला यीशु के तरफ देकै छै।

देखें! ई परमेश्वर के मेन्ना जे संसार के पाप उठाय ले जाय छै।



हुनका बपतिस्मा हुबै के बाद परमेश्वर के आत्मा यीशु के जंगल मे ले गेलै।



हुनी चालीस दिन आरु चालीस रात रहलै। जबे हुनी वैन्ठा छेलै, तबे हुनी कुच्छु भी खेलकै आरु पिलकै नै। आपनो पूरा उद्देश्य के देखै लेली हुनी उपवास प्रार्थना करै छै।



शैतान ई अदृश्य रुप मे राज्य करै छै आरु संसार के नाश आरु मरन के तरफ ले जाय छै।



यीशु चाहै छै कि परमेश्वर के उद्देश्य संसार मे सफल होय जाय। लोग सिनी के मौत के पकड़ से छुड़ाना, ई परमेश्वर के योजना छै।

हाँ पिताजी! जे आपने कहतै उ हम्मै करबै।



लेकिन शैतान, हुनका दुश्मन, यीशु कें लालच देखाय के ओकरा परमेश्वर के उद्देश्य से दूर राखे के प्रयास करी रहलौ छेलै।

जदि तोंय परमेश्वर के बेटा छेकें तँ ई पत्थर कें रोटी बनया देहीं


नै एसनो लिखलो छै कि मनुष्य सिर्फ रोटी से नै बल्की परमेश्वर के वचन से जिन्दा रहतै।



जदि तोंय परमेश्वर के बेटा छेकें, तँ सिध्द करैं। ई मंदिर मे सँ आपने आप कें नीचा गिराय देहैं। कैहनेकि की ई लिखलो नै छै कि स्वर्गदूत तोरा हाथो हाथ उठाय लेतौ?

जदि तोंय हमरा प्रणाम करभैं आरु हमरो उपासना करभैं, तँ पृथ्वी पर सब्भे अधिकार तोरा देबौ।

तबँ शैतान यीशु लिगां सँ चल्लौ गेलै आरु स्वर्गदूत आबी के ओकरो सेवा करै लागलै।



ई भी लिखलो छै परमेश्वर के परिक्षा नै लिहैं।




यैन्ठा से चल्लौ जो शैतान, लिखलौ छै कि सिर्फ एक ही परमेश्वर छै आरु सिर्फ ओकरे उपासना आरु सेवा करियहैं।




यीशु गलील मे पवित्र आत्मा से भरी गेलै। यीशु उत्तर इस्राएल देश के वोडो आरु फैलौ प्रांत मे अगु बढतै गेलै। बहुते लोग सिनी कें शक होलै कि ई वही यीशु छेकै कि नै जेसनो भविष्यकर्ता सिनी दुवारा मसीह के वारे मे लिखलो छै।



गलील प्रांत के काना मे कहीं तँ बियाह छै।



यीशु भी वैन्ठा आपनो माय
आरु चेला सिनी के साथ छै।





गलील झील लिंगां कफरनहूम ई भरलो-पूरलो मछवारा सिनी के एगो गाँव छेलै।
वैन्टा यीशु परमेश्वर के राज्य के बारे मे लोग सिनी के उपदेश दैलें शुरु करलकै।




आरु वहाँ हुनी आपनो आपनो
पहिलो चेला चुनी लेलकै।



पतरस, गहरा पानी मे जो
आरु वहाँ आपनो जाल डालें।



मालिक, हमरा सिनी फरे रात मेहनत
करलिये लेकिन कुच्छु नै पकड़ लिये।



तहियौ आपने कहै छियै यही लेली।



ई की! हमरा विश्वास
नै होय रहलौ छै।





याकूब, यूहन्ना
इन्हे आवै। आवँ
बहत्ते पकड़ी
लेलौ छियै।



प्रभु, हमरा जाय लँ दै।
हम्मँ पापी मनुष्य छियै।


पतरस डरें नै



हमरो पिछु या।



या, हमरो पिछु आवै। हम्मँ तोरा
मनुष्य के पकड़े वाला बनैवौ।



यीशु चेला सिनी के साथ पूरे गलील प्रांत मे गेलै। सब्भे के परमेश्वर के राज्य के बारे मे बतलैकै। हुनी सब्भे तरह के बीमारी के ठीक करलकै, दुष्ट आत्मा सिनी के निकालकै आरु लोग सिनी आश्चर्यचकिय होय के यरुशलेम आरु अलग-अलग प्रांत से अयलौ छेलै। वें ओकरो हर एक शब्द सुनै छेलै।



जे गरीब छै धन्य छै कैहनेकि स्वर्ग के राज्य ओकरे छेकै।

जे भूखा छै उ धन्य छै कैहनेकि वें तृप्त करलौ जैतै



जे कानै छै वें धन्य छै कैहनेकि वें फेनु से हंसतै।



धन्य हुवै तोय जखनी लोग हमरो चलतै तोरा बैर करतौ। तबें आनन्दित होय के उछल्यहैं कैहनेकि तोरो लेली स्वर्ग बड़का प्रतिफल छौ



जेसनो बरताव तोंय दोसरा सँ चाहै छै
वैसने ही बरताव तोंय ओकरा सँ करें।



दुश्मन से प्रेम करें आरु
ओकरो लेली प्रार्थना करें।



अच्छा बात गुप्त मे करें ताकि
ओकरो देखावा नै हुवै।



जे कोय दोसरा के स्त्री कें बुरा
नजर सँ देखै छै उ आपनो मन
मे व्यभिचार करी लेलकै।



आँख देह के दीया छै, जदि तोर आँख
अच्छा छौ तें तोरो पूरे देह ईजोत
होतौ। लेकिन तोरो आँख अच्छा नै
छौ तें तोंय अन्हार मे रहवै।




कोय भी दास दुगो मालिक के सेवा नै
करै सकै छै जैसे कि परमेश्वर आरु धन।



काल के चिन्ता नै करें,
पहलै परमेश्वर के राज्य के
खोज करें आरु तोरा तबँ
सबभे कुच्छु मिली जैतौ।



जदि तोंय हमरो वचन पर चलभैं, तें तोंय ओकरे सिनी
जेसनो छै जे आपनो घर चट्टान पर बनैलकै। जदि नै तें
तोंय ओकरे जेसनो छैं, जे आपनो घर बालु पर बनैलकै।



एक दिन यीशु के घर के सामने लोग सिनी के भिड़ होय गेलै।

हम्मैं भीतर नै जावै सकै छियै।




वैन्टा छत होतै।

वहाँ उपर की चली रहलौ छै?



ओकरा आबेलें देहीं। वें सिनी के विश्वास बोड़ो छै।



तोरो पाप के क्षमा होय गेलौ छौ।

तोंय की उ सुनलैं? हुनी ई सब्भे कैसे करै सकै छै?



उ तँ बेकुफ छै।

सिर्फ परमेश्वर ही पाप से केकरो भी छुटकारा दियै सकै छै।

एगो लेंगड़ा आदमी कें की ई कहना आसान छै कि तोरो पाप क्षमा होय गेलौ छै या उठी कें खड़ा हो?



पाप के क्षमा करै के अधिकार मसीहा कें देलौ गेलौ छै। लेकिन हम्मैं ई कहै छियौ, आपनो खटिया उठा आरु घुमै-फिरै।





असंभव


हाँ, हममें चलै सकै छियै। हुनी चली रहलौ छै।

लेकिन वैन्टा हर कोय यीशु के काम से खुश नै छेलै। धार्मिक प्रधान सब्त के पवित्र दिन यीशु की करै छै एकार पर ध्यान लगाय रखै छेलै। लेकिन वैन्टा हर कोय यीशु के काम से खुश नै छेलै। धार्मिक प्रधान सब्त के पवित्र दिन यीशु की करै छै एकार पर ध्यान लगाय रखै छेलै। उ दिन इस्राएल मे कोय भी काम करै मे पाबंदी छेलै।



ई मनुष्य के हाथ सुखी गेलौ छै। की ओकरा आय के दिन ठीक करना उचित छै?

आपनो हाथ आगु बढा।



हाँ हममें ठीक होय गेलियै।



हममें ओकरा चंगा करतै हुवै देखलो छियै।

यरुशलेम के प्रधान जरुरे बतैयहैं कि ई गलत रस्ता से राज्य कें बहकाय रहलौ छै।



यीशु आरु ओकरो चेला गलील झील मे से जाय छै।




हे प्रभु, हमरा सिनी के बचा
हमरा सिनी डुबी रहलो छियै।




तोंय की डरी रहलों छै?
तोरो विश्वास कहाँ छौ?






वैन्टा दुष्ट आत्मा सँ पिड़ित एगो
आदमी छेलै जे पहाड़ मे रहै छेलै।



हुनी आबी रहलो छै।
उ कुरुप



अच्छा, अच्छा यीशु।



दुष्ट आत्मा
एकरा छोड़ी देहीं।

हे सर्वशक्तिमान परमेश्वर के
बेटा हमरा तोरा से की काम?




तोरो नाम की छेकौ?
सेना, कैहनेकि हम्मं
बहुत्ते जन छेलै।




ई सूवर सिनी मे
हमरा भेजी दियै।



जो!





हमें तोरा सँ कहै छियौ बेटा खुद से कुच्छु नै करै सकै छै। हुनी सिर्फ वही करै छै जे पिता ओकरा कहै छै जे पिता कहै छै हमरो पिता के इच्छा सँ। हुनी एक्के ही छै जे हमरा भेजकौ छै।




यीशु हमेशा शान्त जग्घो पर प्रार्थना के लेली जैलौ करै छेलै।



रात मे प्रार्थना के बाद यीशु आपनो 12 चेला सिनी के अलग करलकै। हुनी वें सिनी के दु-दु करी के बाहर भेजी देलकै। आरु ओकरा सिनी के दुष्ट आत्मा सिनी पर आरु सब्भे तरह के बीमारी पर अधिकार देलकै।



उ दु भाय छै। पतरस आरु अन्द्रियास।



ई याकूब आरु यूहन्ना



फिलीप्पुस आरु बरतुलमै

थोमा आरु मत्ति (ई पहलै रोमी
अधिकारी मे कर जमा करै छेलै)



तद्दे आरु दोसरो याकूब



शमौन आरु यहोदा इस्करियोत




जो, जे कोय तोरा स्वीकार करतौ ऊ हमरा भी करतै, आरु जे कोय हमरा
स्वीकार करतै, हुनी जे हमरा भेजकौ छै ओकरा वें स्वीकार करतै।



ई 12 चेला ओकरा सौपलो काम कें
करी के जोश से लौटी अयलै। फेनु
यीशु ओकरो साथ एगो शान्त जगह
पर जाय के कोशिश करै छेलै। लेकिन
भीड़ ओकरा छोड़े लेली तैयार नै छेलै।

फसल बहुते छै लेकिन मजदूर कम छै। परमेश्वर से
प्रार्थना करै कि हुनी फसल काटे लेली मजदूर के भेजै।





यीशु बोली रहलौ छेलै आरु लोग सिनी कॅ चंगा करी रहलौ छेलै। वैन्टा देर होय गेलै।

फिलिप्पूस, ई सब्भे लोग सिनी कॅ हम्मॅ भोजन कैसे आनबै? तोरहै सिनी उ सिनी कॅ कुच्छु कैहने नै दै छै?



चाँदी के 200 दिनार के रोटी भी उ सिनी के लेली पूरा नै होतै।

वैन्टा एगो लडका छै। ओकरो लिगां पाँच गो रोटी आरु दुय्ये गो मछली ही छै।



लोग सिनी के यहाँ 50 के संख्या मे बैठाय देहीं।




यीशु परमेश्वर कॅ धन्यवाद दै छै।



हुनी रोटी आरु मछली तोड़ै छै।



जब यीशु भोजन के बहुत अधिक करे छै। तब वहाँ हजारो लोग सिनी भोजन करे छै।



हुनी मसीहा छेकै जे आवैवाला छै।

हमरा राजा मिली गेलै




अरे देखें! वहाँ 12 टोकरी पुड़ी भरलो बची गेलो छै।



आबें लोग सिनी के घर जाय के बेला होय गेलै। तोंय नाव लेकै दोसरो तरफ चल्लो जो। हम्में पहाड़ मे प्रार्थना के लेली रुकै छियै।





वहाँ ढेरिये लोग यीशु के राजा कहै छेलै। ओकरा एसनो आशा छेलै कि यीशु के अधिकार से ई रोमी अधिकार भागी जैतै। यीशु के विरोधी भी बढ़ी रहलो छेलै। वें सिनी हमेश हुनको आलोचना करी रहलो छेलै। यीशु के बारे मे लोग सिनी के भडकाना आरु वें सिनी चाहै छेलै कि लोग यीशु से अलग होय जाय।



नाशवान भोजन के लेली चिन्ता नै करै। लेकिन उ भोजन के लेली करें जे रहतै आरु अन्नत जीवन देतै।



हम्में अन्नत जीवन के रोटी छियै। "ई हमरो देह छेकै, जे तोरो लेली देलौ गेलौ छौ।



ई मनुष्य कैसे आपनो देह हमरा सिनी के खाय लेली दियै सकै छै?

बेकुफी के बात





यीशु के विरोध बढ़ते ही गेले हुनी आबें गलील प्रांत के छोड़ी के दोसरो क्षेत्र मे ओकरो काम पुरुष आरु स्त्री अगुवा के साथ शुरु राखलकै।



फेनु हुनी यरूशलेम मे रहलै।



यात्रा करतै हुवै।

लोग सिनी हमरो बारे मे की सोचै छै, हम्मे के छेकियै?

उ सोचै छै कि आपने भविष्यवक्ता छियै।




आरु तोंय?



तोंय की सोचै छै कि हम्मे के छियै?



आपने उध्दारकर्ता छियै। जिन्दा परमेश्वर के बेटा।



केकरो भी नै बतावें, कि मसीहा के यरूशलेम मे छल होतै आरु ओकरा मृत्युदंड मिलतै। लेकिन तेसरो दिन हुनी कब्र मे से फेनु सँ जी उठतै।



यरुशलेम के बाहार हमेशा लोग सिनी कें रोमन तरीका से सजा मिलै छेलै।



जदि कोय हमरो पिछु आवेल चाहै छै तँ ऊ आपनो क्रुस उठाय के हमरो पिछु होय ले।



जे कोय आपनो प्राण बचावेल चाहै छै उ ओकरा हेरैतै आरु जे कोय हमरो लेली आपनो प्राण देतै उ ओकरा बचैयतै।



तोंय ई जानी ले कि सिर्फ एक ही परमेश्वर छै।



जरुरी ई छै कि तोंय परमेश्वर से पूरे मन से प्रेम करै आरु जैसे आपने आप कें प्रेम करै छैँ दोसरा पर भी वैसेने ही प्रेम करै।

उ समय इस्राएल मे कोढ के रोग लागलो लोग रहै छेलै। उ त्वाचा के भयानक रोग छै। एसनो लोग गाँव के बाहर रहै छेलै। आरु ओकरा सिनी के बढिया लोग सिनी से मिलेल नै देलौ जाय छेलै।



कोढ लागलो लोग सिनी जबें कहीं बाहर जावै तें वें जोर से दोसरा लोग सिनी के सावधान करी दै छेलै कि वें आवी रहलो छै।

कोढी! कोढी!



यीशु प्रभु! हमरा पर दया कीजियै।





जो आबें तोंय खुद धर्मगुरु के देखावें।



धर्मगुरु लिगां जो आरु आपने आप के देखावै

की उ तबें होतै जबें हमरा सिनी ठीक होय जैबै ?



? !



देखै! हम्में ठीक होय गेलयै।



हम्में ठीक होय गेलियै।

हां



हालेलुया! परमेश्वर भला छै। धन्यवाद।



जे ठीक होलै की वें 10 गो नै छेलै? उ सिनी कहाँ गेलै? की वें परमेश्वर के धन्यवाद दियै लेली नै अयलै?



खड़ा हों! तोरो विश्वास तोरा ठीक करलको छौ आरु तोरो उधदार होय चुकलो छौ।

यहूदि प्रधान यरुशलैम मे यीशु के पिछु गुमचर सिनी कें भेजलो करै छेलै। यीशु के काम के बारे मे उ ओकरो विरोधी छेलै।

हुनी बूरा लोग सिनी के संपर्क मे रहै छेलै जैसे कि वेश्या, कर लियेवाला रोमी अधिकारी...

मसीह हेरैलो कें खोजे आरु ओकरा बचावे लेली अयलो छै।

केहने कि यीशु सब्त के दिन लोग सिनी कें चंगा करै छै।

ठीक हो।

आरु हुनको ध्यान बच्चा सिनी पर खास ध्यान रहै छेलै।

बच्चा सिनी कें हमरो लिगां आवेल देहीं। परमेश्वर के राज्य ओकरे जेसनो के ही छै।

यीशु के बैतनिय्याह मे बोलैलो गेलै।
एगो गाँव जे यरुशलेम लिगां छै।
लाजर नाम के एगो मनुष्य बेमार
छेलै। लाजर आरु ओकरो बहीन
मार्था मरियम ई यीशु के दोस्त छेलै।
जबँ यीशु वैन्टा आवै छै तबँ वें सुनै
छै कि लाजर के कब्र मे राखलो
चार दिन होय गेलै छै।



प्रभु, जदि आपने वैन्टा होतियै,
तँ हमरो भाय लाजर नै मरतियै।



मार्थ तोरो भाय फेनु से जी उठतौ



हाँ! हमरा पता छै कि हुनी अन्तिम
पुनरुत्थान के दिन फेनु से जी उठतै।



पुनरुत्थान आरु जीवन हममें ही
छियै। जे कोय हमरा पर विश्वास
करतै उ जितै। की तोंय हमरा पर
विश्वास करै छै मार्था?




हाँ, मालिक, हममें विश्वास करै छियै
कि जे उध्दारकर्ता जगत मे आवै वाला
छै हुनी आपने छियै। परमेश्वर के बेटा।




तोंय ओकरा केन्टा राखलो छै?

प्रभु, आवियै आरु देखियै।






यरुशलेम के अधिकारी आबें यीशु आरु ओकरो
चेला सिनी पर नजर राखलो हलौ छेलै।




उ मनुष्य बहुते चिन्ह देखावै छै।

जदि हमरा सिनी एसने ही छोडी
देलयै तँ रोमी आबी के कुच्छु करतै।



हुनी हमरा सिनी के राज्य आरु
मंदिर सिनी के नाश करतै।

तोंय जरा सोचै कि, पूरै राज्य के नाश
हुवै से अच्छा छै कि एक मनुष्य मरै।




यही लेली यीशु के
मरना आवै जरुरी छै।

तबे से यहूदी प्रधान यीशु के पकड़े
के ताक मे लागलो ओकरा रोमी
सिनी के सौंप दिये के कोशिश करी
रहलो छेलै। वें सिनी मृत्युदंड के सजा
दिये वाला अधिकारी कहलावै छेलै।

यीशु बैतनिय्याह मे छेलै।



मरियम



उ बहुते महंगा इत्र छै।



अच्छा होतियै कि एकरा बेची के पैसा गरिब सिनी मे बाँटी देलौ होतियै।



ओकरा अकल्ला छोड़ी देहीं। यहूदा उ हमरो देह के गाड़े वास्तै तैयार करी रहलौ छै।

फसह के परब आबी रहलो छेलै। लोग सिनी के झुंड। यरुशलेम के तरफ यात्रा करी रहलो छेलै।




यरुशलेम मे अधिकारी लोग यीशु के पकड़े के योजना बनाय रहलो छेलै यीशु वही नगर के तरफ बढ़ी रहलौ छेलै।





राजधानी के बीच में
आराधना के मंदिर छेलै।



फसह के परब के समय भेड़
के बली करलो जाय छेलै।



भेड़ सिनी के मन्दिर में भेंट
चढ़ाय के परमेश्वर आरु मनुष्य
में मेल-मिलाप करवावै छेलै।



लेकिन कोय तरह के भेड़ के
भेंट चढ़ाय के लोग सिनी के
पाप से मुक्ति मिलै सकै छै?



मन्दिर के जगह पर लोग सिनी ओकरो
व्यापार आरु पैसा के लेन-देन करै छेलै।



यीशु भी वहीं छेलै।




परमेश्वर के घर ई प्रार्थना के घर छै, लेकिन तौय ओकरा डाकू के अड्डा बनाय देलौ छैं।



हनी हमरा सिनी लेली खतरनाक साबित हुवे सकै छै। सब्भे लोग ओकरे बात सुनै छै।



एकरा से हमरा छुटकारा मिलना चाहियौ।



जदि हमरा सिनी ओकरो खोज मे लागलो रहलयै तँ ओकरा सिनी हमरा सिनी पकड़े सकै छियै आरु ओकरा मारै सकै छियै।

लेकिन परब के समय नै, कहीं एसनो नै हुवै कि लोग सिनी मे बवाल मची जाय।

ओकरो बदला आपने हमरा केतना पैसा देतै?

उ यहूदा छै। ओकरे मे से एगो चेला।

यीशु के बदला मे हम्मं तोरा 30 चाँदी के सिक्का देबौ, एगो गुलाम के कीमता।

हम्मं यीशु के पकड़वाय के आपने के सौंपी देबै।

फसह के परब से पहलै यीशु मन्दिर
मे संदेश दै रहलौ छेलै। प्रधान
पुरहित ओकरो लेली समस्या खड़ा
करी रहलौ छेलै।



उ सांझ के समय यीशु आरु ओकरो 12 चेला
फसह के अन्तिम भोज के लेली जमा होलै।



आय रात उ हम्मैं करबै।





हमरो दुःख भोगे से पहलै ई फसह के भोज के हम्मं तोरो साथ करबौ एकरे हम्मं बाँट जोही रहलो छेलै।



अधिकारी लोग दोसरा से सेवा करवाय लै छेलै। लेकिन हम्मं तोरो साथ वैसनो नै करबौ।




ई अधिकारी तोरो सेवक बनतौ।



हम्मं तोरो सेवक जैसनो छियै।





प्रभु, की आपने दास बनी के हमरो गोड़ धोतै? नै! कभियो नै!

पतरस, जदि हम्मं तोरो गोड़ नै धोय्यौ तँ हमरो साथ तोरो कोय भी नाता नै।



प्रभु, तँ फेनु हमरो माथा आरु हाथ भी धोय दियै।

जदि कोय नाही चुकलो छै तँ ओकरा सिर्फ गोड़ धोना जरुरी छै।



तोंय हमरा प्रभु आरु मालिक बोलावै छै, जे कि अच्छा छै। जैसै हम्मं तोरो गोड़ धोलियौ यही लेली जरुरी छै कि तोंय भी एसने एक दोसरा के सेवा करै।



तोरा सिनी मे सँ कोय हमरो विश्वासघात करभैं।

कभियो नै

की उ हम्मं तँ नै छियै?



यहूदा जे तोंय करैल चाहै छै ऊ जल्दी करै।





हमरो यादगार के लेली यही करलो करें।




ई रोटी ले जे हमरो देह छेकै।



ई प्याला ले, जे हमरो लह छेकै जे तोरो लेली बहैलो गेलौ छै। यही तरह से परमेश्वर तोरा सँ नया करार करी रहलो छै।



एगो नया आज्ञा हम्में तोरा दै रहलो छियौ। तोंय एक दोसरा सँ वैसने प्रेम करै जैसनो हम्में तोरा से करलियौ।




जदि तोरा मे प्रेम छौ तँ सब्भे के पता चलतै कि तोंय हमरो चेला छेकै।



प्रभु हम्में आपने साथ हमेशा रहबै, आपने लेली हम्में आपनो प्राण भी त्यागी देबै।

पतरस ऊ समय मुर्गा बाँग देतै आरु तोंय तीन मरतब हमरो इन्कार करभैं

उ सांझ के यीशु आरु ओकरो चेला उ नगर छोड़ी दै छै। यहूदा उ सिनी साथ नै रहै छै।



हम्मैं तोरा सिनी कें छोड़ी रहलो छियौ, लेकिन पिताजी तोरा सिनी के पवित्र आत्मा देतौ। हुनी तोरो मदद करतौ आरु हमेशा तोरो साथ रहतौ।

जैन्ठा हम्मैं हम्मैं जाय छियै उ जग्घो तोरा पता छौ।



मार्ग, सत्य आरु जीवन हम्मैं ही छियै। हमरा छोड़ी के कोय भी पिता लिगां नै जाय सकै छै।



तोंय वहीं रुकै। हम्मैं प्रार्थना के लेली आगु जाय रहलौ छियै।



पिताजी, जदि संभव छै तँ ई दुःख कें हमरा सँ दूर ले जय्यै।



तय्यौ भी हमरो इच्छा नै बल्की आपने के इच्छा पूरा हुवै।



ई समय तोंय कैसे सुते सके छैं ? जागलौ रहैं।
जे एक हमरो विश्वासघात करतै उ यहीं छै।



जेकरा हममें चुमयै
ओकरा पकड़ी लिख्यैं।



मालिक!



यहूदा, की तोंय चुमी कें
हमरो विश्वासघात करभै?

मालिक, हममें एकरा
सिनी से लडै छियै।



नै!



यीशु ओकरा खुद कें पकड़वावैल देलकै,
हुनको सबभे चेला वैंठा सें भागी गेलै।



यीशु के महायाजक के घर ले गेलै। यहूदी सिनी के सब्भे सँ बोडो प्रधान, पतरस आरु यूहन्ना थोडो ही दूर पिछु आबी रहलो छेलै।



पतरस अंगना मे जाय छै।



की तोंय हुनको साथ नै छेलै?



नै, नै, हम्में ओकरा नै जानै छियै।

की तोंय ओकरा मे से नै छै?



बिलकूल नै।

पक्का ई भी हुनको साथ छेलै, ई एक गलली छेकै।



हममें नै जानै छियै तों की चाहै छै।



कुकु अकड्डु कुकु



आगु बोल!



चल आबें भविष्यवाणी करें के तोरा मारकौ?



बिहाने यीशु कें यहूदी सिनी के महासभा मे ले जैयलौ गेलै।

की तोंय परमेश्वर के बेटा छेकें?

जैसनो तोंय कहै छें वैसने ही छै।



ई मृत्यू के लायक छै। रोमी सिनी कें ई करै देहीं।








उ मनुष्य कॅ देखैं।

ओकरा क्रूस पर चढ़ावै

ओकरा क्रूस पर चढ़ावै ओकरा क्रूस पर चढ़ावै





पिलातुस ओकरा मानी लेलकै क्रूस पर चढ़ाना एक डरावना मृत्यू जैसनो छै। यीशु उ क्रूस के लकड़ी कॅ बड्डी कष्ट से रस्ता पर ले जाय रहलो छेलै।




मृत्यूदंड दियै के काम नगर के बाहर करलो जाय छेलै। ओकरा गुलगुता या "खोपड़ी" के स्थान कहै छै।



यीशु कॅ सिपाही सिनी क्रूस पर चढ़ाय देलकै।






क्रूस के ऊपर एगो दोष पत्र लिखलो छेलै। ओकरो मतलब छै "यीशु यहूदी सिनी के राजा छै।"

यीशु कडवा दाखरस पिना मना करी देलकै।

सैनिक हुनका कपड़ा से खेली रहलो छेलै।



जदि आपने परमेश्वर के बेटा छेकियै तँ ई क्रूस पर से खुद कँ छोड़ाय ले।



हाँ, की हुनी दोसार कँ नै बचैलकै?

खुद कँ बचा आरु हमरा भी बचा।

परमेश्वर के आदर करै। हमरा हमरो गलती के सजा मिल्लो छै। लेकिन ई मनुष्य तँ कुछ भी नै करलकै।



जब आपने आपनो स्वर्गीय राज्य मे आबीयै, तँ हमरो सुधी लियै।



हम्मँ तोरा निश्चय कहै छियौ, आय ही से तोंय हमरो साथ अधोलोक मे होभैं।

लगभग दो पहर से तेसरो पहर तक
पूरे देश मे अन्हार छायालौ रहलै।



मरियम यीशु के माय आरु यूहन्ना,
ओकरो चेला कूस लिगां खड़ा छेलै।

आबैं यही तोरो मात
आरु यही तोरो बेटा।




हमरो परमेश्वर, हमरो परमेश्वर
आपने हमरा कैहने छोड़ी देलयै?



हम्मैं प्यासा छियै।



पिता, हम्मैं आपनो आत्मा
आपने के हाथ मे सौपै छियै।



पूरा होलै।

यीशु के मृत्यु दोपहर तीन बजे हुवै छै। एगो सैनिक यीशु के भाला से बेधलकै, तब तुरन्त लहू आरु पानी निकललै।



किताब मे एसनो लिखलो छै कि भेड के जेसनो ओकरा कत्तलखाना मे ले जैलौ जयतै।



हमरो सभ्भै पाप सिनी के लेली ओकरा मारलो जयतै। बेधलो जयतै। आवँ हुनी मरी चुकलो छै।



की यही उ मसीह छेलै जे आबै वाला छेलै? की नै?



यूसुफ ई अरिमतिया आरु नीकुदेमुस यीशु के मरलो लाश ले जाय छै। उ हुनको सफेद कफन मे लपटी के ओकरा पर मिश्रण लगाय के कब्र मे राखी के घुसे वाला दुवार पर बडका पत्थर लुढकाय के राखी दियै छै।



की हममें ई लाश के गाड़े सकै छियै, चल ओकरा से पूछी लै।




ई स्वभै बात सिनी हुवै के बाद फसह के परब के समय, कुछ जनानी सिनी उ बंद कब्वर लिगां अयलै।



उ पत्थर तँ घुडकलो छै।

तोंय उ जिन्दा कँ मरलो मे कहने खोजी रहलो छै? हुनी जिन्दा छै। जो आरु ओकरो चेला कँ बतावैं।





जबँ वें ई बात सुनै छै, पतरस आरु यूहन्ना कब्वर के तरफ जाय छै।



की होलै?


उ पूरा तरही से खाली छै।





वही दिन यीशु के दुगो चेला खुद के एक रास्ता पर चलतै
हुवै मनुष्य के पाय के यीशु के बारे मे चर्चा करीरहलो छेलै।

की तोरा उ भविष्यवक्ता पर विश्वास नै? हुनको महिमा मे जाय लेली
मसीह के दुःख मे से जाय लै होतै? ई सबभै किताब मे लिखलो छै।



अचानक भोजन करै
के बाद के आवी गेलै।
लेकिन हुनी यीशु ही छेलै।



बाँकी चेला यीशु के खोजे
लेली चल्लो जाय छै।

हम्मं प्रभू के देखलो छियै।

मरियम आरु पतरस
भी देखलकै।



अचानक

तोरा शान्ति मिलै।



की तोरा विश्वास नै कि
हम्मं छियै? हमरो हाथ
आरु गोड़ के देखैं।

हमरो प्रभू।
हमरो परमेश्वर



यीशु हुनको अनुयायी सिनी कें अगला 40 दिन देखलकै। हुनी एक बेर तें 500 लोग सिनी कें एकसाथ देखय देलकै। एक दिन यीशु के कुछ चेला गलील तालाब मे मछली पकड़ी रहलो छेलै।

तोरो लिंगां कुच्छु खाय लेली छौ की?

नै! हमरा सिनी कुच्छु नै पकड़लो छियै।



वाह! की पकड़लो छियै।


हुनी प्रभू छेकै।

मालिका।

की तोंय आबी कें हमरो साथ भोजन करभै?



पतरस, की सच्चे मे तोंय हमरा से प्रेम करै छै?



यीशु ई सवाल पतरस के तीन मरतब पुछै छै...




हाँ प्रभू आपने के पता छै कि हममें आपने से प्रेम करै छियै।

हमरो भेड़ सिनी के सम्भालै।




हमरो पीछू आवैं।

स्वर्ग आरु पृथ्वी पर सब्भै अधिकार हमरा देलौ गेलौ छै। संसार मे जो आरु सब्भै राष्ट्र मे हमरो चेला बनावैं, ओकरा पिता, पुत्र आरु पवित्र आत्मा के नाम से बसिस्मा दें आरु जे बात हममें तोरा सिखैलो छियौ ओकरा तोंय जाय के सिखावैं।



एकरा याद राखैं, हममें तोरो साथ हमेशा रहबो हरेक दिन आरु दुनिया के अंत तलक साथ रहबो।



ई बात कहै के बाद यीशु पृथ्वी छोड़ी दे छै। आरु स्वर्ग मे उठाय लेलो जाय छै। लेकिन हुनी एसनो भी कहलकौ छै कि हुनी लोग सिनी के न्याय करैल फेनु से अयतै।


हुनको चेला यरुशलेम मे प्रर्थना करै छै। पवित्र आत्मा ओकरा परमेश्वर के आत्मा से भरै छै। वही आत्मा जे यीशु के साथ छेलै आबें उ ओकरो साथ छै। नया लोग सिनी कें यीशु के लेली तैयार करै मे हुनी मदद करै छै।



मौत यीशु कें नै जीतै सकलै। परमेश्वर हुनका फेनु से जिन्दा करलकै। आरु ओकरा प्रभु बनैलकै। वही मसीहा।

यीशु के अनुयायी सिनी कें बहुते विरोध सहैल पड़लै।

यीशु ई परमेश्वर के बेटा छेकै।



ई संदेश पत्र सिनी के दुवारा सामने अयलै।



हुनी हमरा सिनी के पाप कें खुद आपनो देह पर ले लेलकै जब हुनका क्रूस पर मृत्यु होलै। यही लेली हमरा सिनी पाप के लेली मरी चुकलो छियै। आबें हमरा सिनी के परमेश्वर के ईच्छा से जीना चाहियौ।

आबें यीशु के अनुयायी पूरे दुनिया मे एक होय के प्रार्थना करै छै आरु बाईबिल पढ़ै छै। वें सिनी यीशु के मौत के रोटी तोड़ी के आरु दाखरस ले कें याद करै छै। परमेश्वर के ईच्छा छै कि परमेश्वर के प्रेम कें ई तरह एक दोसरा मे बाँटे, जे ओकरो हृदय मे छै।

यीशु परमेश्वर के उद्देश पूरा तरह
सँ मनुष्य के लेली पुरा करलकै।



यीशु हमरा सिनी सँ प्रेम करै
छै। हुनका धन्यवाद करै आरु
हुनका ही आराधना करै।



कैहनेकि परमेश्वर जगत सँ एसनो प्रेम करलकै कि हुनी आपनो एकलौता बेटा दे दैलकै,
ताकि जे कोय हुनका पर विश्वास करतै उ नाश नै हुवै, लेकिन अनन्त जीवन पैतै।

WILLEM DE VINK

बाइबल

यीशु के कहानी बाइबल मे लिखलो छै। बाइबल से बेसी कोय भी किताब एतना बेसी बेर नै पढलो गेलौ छै। ई सब्भे किताब सिनी के एगो ग्रंथ छै। 1500 साल ई किताब लिखे मे लागी गेलै। 1900 साल पहलै पूरा होलै। एकरा मे सब्भे तरह के बात छै कि परमेश्वर मनुष्य के जीवन मे कौन तरिका से काम करै छै ई यीशु के बात से हमरा पूरा तरह समझ मे आवै छै।

यीशु के इतिहास


बाइबल के चार किताब मे यीशु के जीवन के बारे मे बतलौ गेलौ छै। यीशु के काल मे ई लेखक छेलै। लेखक सिनी के नाम हुनी देलकौ छै।

1. मत्ती: यीशु के चेला। जे कर वसुले के काम करै छेलै। वें वर्णन करलकौ छै कि कौन तरिका से यीशु इस्राएली सिनी से बर्ताव करलकै। (यहूदी)

2. मरकूस: यीशु करलो चमत्कार सिनी के बारे मे वें लिखलकौ छै। जब यीशु काम करलकै तब मरकूस किशोरवस्था मे छेलै।

3. लूका: ई एगो वैध छेलै। उ व्यक्तिगत रिती से यीशु के नै जानै छेलै। वें वर्णन करलौ छै कि कैसे यीशु लोग सिनी के साथ चल्लै।

4. यूहन्ना: यीशु के एगो अनुयायी, यीशु के छेकै ई वें बतलकै, यीशु परमेश्वर छै। जे मनुष्य बनलै यही लेली कि लोग सिनी के पाप सँ छुटकारा मिलै सकै।



यीशु के जनम

यीशु के माय मरियम के बियाह नै हलौ छेलै। जबें यीशु के जनम होलै वें एगो कुवारी छेलै। लेकिन यीशु के जनम के योजना परमेश्वर बतैलकौ छेलै। ई बात पहलै ही किताब सिनी मे लिखलो गेलौ छेलै। यीशु कोय महान व्यक्ति जेसनो या कोय अलग रूप मे जनमलो नै छेलै। लेकिन हुनको जनम गोहाल घर मे होलै।

यीशु के चमत्कार

यीशु बहुते चमत्कार के काम करलकै। बाइबल मे 40 से बेसी चमत्कार घटलो छै। इ चमत्कार सिनी के द्वारा यीशु परमेश्वर के शक्ति के आरु प्रेम के अनुभव लोग सिनी के दै छै। ओकरा लोग सिनी के मदद करना छै आरु खुश रखना छै।



यीशु के मृत्यू आरु पुनरुथान



यीशु के मारलो गेलै? एकरो वर्णन बाइबल मे देलौ गेलौ छै।

सबभै लोग जे गलत बात करै छै उ परमेश्वर कें क्रोध आरु दुःखीत करै छै। ओकरे ही पाप कहै छै। ई सबभै पाप लोग सिनी कें परमेश्वर के संगती से दुर राखै छै। आरु यही लेली यीशु अयलै। यीशु खुदा होय के हमरो पाप के सजा आपने पर ले लेलकै। उ सजा मृत्यू दण्ड छेलै। यही लेली यीशु मारलो गेलै। आबं हम्मं फेनु से परमेश्वर सँ दोस्ती करै सकै छियै, लेकिन हमरा हमरो गलती के क्षमा मांगना चाहियौ। यीशु मौत से जी उठलै। परमेश्वर हुनका जिन्दा करलकै। ई तरह परमेश्वर देखेलकै कि हुनी मृत्यू से भी शक्तिशाली छै।

यीशु आबं परमेश्वर के साथ रहै छै। यही लेली हुनी हमरो दोस्त बनै सकै छै। परमेश्वर के खुशी होतै कि जबं ई तरह के जीवन जियै लेली हुनी हमरो मदद करै छै।

प्रार्थना

जदि आपने गलत बात के क्षमा मांगै छियै आरु परमेश्वर से दोस्ती बनावैल चाहै छियै। तँ आपने ई प्रार्थना करै सकै छियै:

‘ प्रेमी परमेश्वर, आपने हमरा सँ प्रेम करै छियै।
आपने यीशु के देलियै आपने एकलोता बेटा।
जे क्रुस पर मरी गेलै। जे भी गलत बात हम्मं करलियै उ सबभै पाप सिनी के
कृपया हमरा क्षमा करयै।
यीशु हमरो साथ छै यही लेली आपने के धन्यवाद।
की आपने आपनो इच्छा से हमरो जीवन जीयै लेली करतै?
आपने जे वचन दियै छियै उ आपने पुरा करै छियै।
हमरो प्रार्थना के उत्तर देलियै यही लेली धन्यवाद।

यीशु आरु आपने

यीशु के कहानी के एगो अच्छा अन्त छेलै। यीशु बहुते महान लोग सिनी के दोस्त बनलै। आबें आरु तभियो भी दुनियां बदली गेलौ छेलै। बहुते लोग आबें गदहा पर या घोड़ा पर यात्रा नै करै छै। उ कार या हवाई जहाज से यात्रा करै छै। लेकिन यीशु पर एकरो कुच्छु भी प्रभाव नै गिरै छै। जेसनो हुनी इस्राएल मे छेलै। वैसने ही अभियो भी हमरो साथ छै। हुनी अदृश्य छै फेर भी वही सत्य छै। हुनी आपने के दोस्त बनैल चाहै छै। आपने ओकरा सुनै सकै छियै।

की आपने के यीशु के साथ जीवन आरु हुनको बारे मे आरो जानकारी चाहियौ? तँ आपने नीचा देलौ गेलौ बात करै सकै छियै।-

1. आपने खुद होय के बाइबल पढें (लूका के लिखलो भाग पढयै)
2. प्रर्थना करना (परमेश्वर के साथ बात करना आरु हुनका सुनना, आपने के कोय विशेष शब्द बोलै कें जरुरत नै छै।)
3. बाइबल के बारे मे आरु यीशु के बारे मे दोसरा से बातची करना। यीशु चाहै छै कि हुनका अनुयायी सिनी एक दोसरा सँ मिली के ओकरा उत्साहीत करै।



Translator Name : Pastor. Anoj Kumar.

Publisher: KRISTALAYA MERCY MISSION

Printed :Kristalaya Printers

Text and illustrations : Willem de vink

Copyright 1993 Stitching Wereldtaal, Houten, The Netherlands,

Published in Dutch as “Jesus Messias”. Edition in **Angika** 2022 : ISBN : 978-94-93178-98-4

Digital copyright under the terms of the Creative commons BY-SA licence.

All right of translation, reproduction and adaptation reserved for all countries.

Worldwide co-edition organized and produced by: Wycliffe Netherlands,

E-mail : mailto:jmpbk.app@gmail.com

Web : jesusmessiahcomicmedia.com/india

यीशु मसीहा

ई यीशु मसीह के सच्चा कहानी छेकै। जे 2000 साल पहलै इस्त्राएल मे छेलै। जे कोय हुनका से मिलै छेलै उ सोच मे पड़ी जाय छेलै। जे कुच्छु हुनी करलकै ओकरा कोय नै करै सकलकै। जे हुनी बतैलकै उ कोय नै बतैलकै। जैन्टा यीशु रहै छेलै वैन्टा चमत्कार हुवै छेलै। जे कोय हुनको सुनै छेलै उ आनन्द आरु खुशी से भरी जाय छेलै। तबँ अचानक अन्त होलै एसनो लागै छै। ओकरो विरोधी ओकरो सजा दै छै, लेकिन वैन्टा अन्त नै छेलै। आगु जे होलै ओकरो आपने खुदे पढ़यै आरु देखै कि कैसे यीशु के कहानी आगु बढ़तै जाय छै।



Language : Angika

ISBN : 978-94-93178-98-4